

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-414/14
Sarajevo, 11.4.2014. godine

Z A P I S N I K
22. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 3. i 11. aprila 2014. godine

Sjednica je počela u 14.20. nakon prekida 21. vanredne sjednice.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, goste i predstavnike akreditiranih medijskih kuća koje prate rad sjednice.

Izostanak sa sjednice opravdali su: Zora Dujmović, Mira Ljubijankić, Amir Zukić, Drago Puzigaća, Zahid Bašić, Mirjana Malić, Elvira Abdić-Jelenović i Ivan Brigić.

Na osnovu evidencije Stručne službe, predsjedavajući je konstatovao da sjednici prisustvuje 37 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da Dom naroda može, prema odredbi člana 86. stav 5. Poslovnika o radu Doma naroda Parlamenta Federacije, sazvati sjednicu i u roku kraćem od 10 dana a dnevni red predložiti i na samoj sjednici.

Predsjedavajući je pročitao predloženi dnevni red i upitao delegate imaju li prijedloge za izmjenu i dopunu dnevnog reda.

Senahid Šaković je, u ime Kluba delegata bošnjačkog naroda, predložio da se u dnevni red ove sjednice uvrste Prijedlog Zakona o naplati i djelimičnom otpisu dugovanja sportskim kolektivima (hitni postupak) i Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine (hitni postupak), dok je stav Kluba da se Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine ne razmatra na ovoj sjednici jer se prema ovm prijedlogu Zakona vrši preraspodjela sredstava čime bi se oštetili drugi kantoni, te se ova problematika treba riješiti cjelovitim zakonom.

Aner Žuljević je predložio da se Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine razmatra na ovoj sjednici.

Mijo Matanović je, također, predložio da se Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine razmatra na ovoj sjednici jer su prihodi u Posavskom kantonu od 2006. godine u padu otkada je u primjeni Zakon o pripadnosti javnih prihoda u Federaciji Bosne i Hercegovine.

Luka Faletar je, u ime Kluba delegata hrvatskog naroda, predložio dnevni red koji je predsjedavajući stavio na glasanje i konstatovao da je Dom naroda Parlamenta

Federacije Bosne i Hercegovine, sa 36 glasova za, uz jedan uzdržani glas i uz tri glasa protiv, usvojio sljedeći:

DNEVNI RED

1. Prijedlog Zakona o dopuni Zakona o izvršenju Budžeta Federacije Bosne i Hercegovine za 2014. godinu - hitni postupak,
2. Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine,
3. Prijedlog Zakona o naplati i djelimičnom otpisu dugovanja sportskim kolektivima - hitni postupak,
4. Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine - hitni postupak,
5. Nacrt Zakona o javno-privatnom partnerstvu,
6. Nacrt Zakona o privrednim društvima.

Potom je predsjedavajući dao na glasanje da se Prijedlog Zakona o dopuni Zakona o izvršenju Budžeta Federacije Bosne i Hercegovine za 2014. godinu, Prijedlog Zakona o naplati i djelimičnom otpisu dugovanja sportskim kolektivima i Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine razmatraju po hitnom postupku i konstatovao da je:

- Dom naroda Parlamenta Federacije Bosne i Hercegovine, sa 35 glasova za, uz četiri glasa protiv i uz jedan uzdržani glas, prihvatio da se Prijedlog Zakona o dopuni Zakona o izvršenju Budžeta Federacije Bosne i Hercegovine za 2014. godinu razmatra po hitnom postupku;
- Dom naroda Parlamenta Federacije Bosne i Hercegovine, sa 37 glasova za, uz tri glasa protiv i uz dva uzdržana glasa, prihvatio da se Prijedlog Zakona o naplati i djelimičnom otpisu dugovanja sportskim kolektivima razmatra po hitnom postupku;
- Dom naroda Parlamenta Federacije Bosne i Hercegovine, sa 36 glasova za, uz četiri glasa protiv i uz jedan uzdržani glas, prihvatio da se Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine razmatra po hitnom postupku.

Potom je predsjedavajući konstatovao da je Dom naroda Parlamenta Federacije Bosne i Hercegovine, sa 37 glasova za, uz pet glasova protiv i uz jedan uzdržani glas, usvojio sljedeći:

DNEVNI RED

1. Prijedlog Zakona o dopuni Zakona o izvršenju Budžeta Federacije Bosne i Hercegovine za 2014. godinu - hitni postupak,
2. Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine,
3. Prijedlog Zakona o naplati i djelimičnom otpisu dugovanja sportskim kolektivima - hitni postupak,

4. Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine - hitni postupak,
5. Nacrt Zakona o javno-privatnom partnerstvu,
6. Nacrt Zakona o privrednim društvima.

1. Prijedlog Zakona o dopuni Zakona o izvršavanju Budžeta Federacije Bosne i Hercegovine za 2014. godinu - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na 23. vanrednoj sjednici, održanoj 1.4.2014. godine, usvojio Prijedlog Zakona sa amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga Zakona.

Amandman glasi:

„U članu 1. Prijedloga Zakona u trećem redu iza riječi: „osoba koju ovlasti Vlada“ dodati riječi: „iz Federalnog ministarstva finansija ili Vlade Federacije BiH“.“

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Ante Krajina, federalni ministar finansija.

U raspravi su učestvovali: Zijat Mušić, Josip Perić, Luka Faletar, Aner Žuljević, Sretko Radišić, Ivo Divković i federalni ministar finansija Ante Krajina.

Josip Perić podnio je amandman koji glasi:

„U članu 41. Prijedloga Zakona u stavu 3. u tački a) iza riječi: „...ili Vlade“ dodati riječi: „uz saglasnost Kluba delegata hrvatskog naroda u Domu naroda Prlamenta Federacije Bosne i Hercegovine“.“

Budući da Vlada Federacije nije prihvatila amandman a podnosilac nije odustao od njega, predsjedavajući Doma naroda dao ga je na glasanje i konstatovao da Dom naroda Parlamenta Federacije Bosne i Hercegovine nije usvojio ovaj amandman jer je za glasalo 15 delegata, 20 delegata je bilo uzdržano, a pet delegata je bilo protiv.

Potom se glasalo o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 31 glasom za, uz četiri uzdržana glasa i uz dva glasa protiv, usvojio Prijedlog Zakona o dopuni Zakona o izvršenju Budžeta Federacije Bosne i Hercegovine za 2014. godinu.

Nakon toga se glasalo o zaključku koji je predložio Kolegij Doma naroda umjesto amandmana Josipa Perića.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za i uz jedan glas protiv, usvojio sljedeći:

ZAKLJUČAK

1. Osoba koju ovlasti Vlada Federacije, u smislu izmijenjene odredbe člana 41. stav 3. tačke a) Zakona o izvršenju Budžeta Federacije Bosne i Hercegovine za 2014. godinu, mora pripadati istom konstitutivnom narodu kao i osoba koju zamjenjuje.

2. Osoba iz tačke 1. ovog zaključka koju ovlasti Vlada Federacije mora imati saglasnost pripadajućeg kluba naroda u Domu naroda Parlamenta Federacije Bosne i Hercegovine.

Nakon toga, predsjedavajući je podsjetio delegate da je Odluku o prihvatanju zaduženja na osnovu Sporazuma o finansijskoj saradnji između Vijeća ministara Bosne i Hercegovine i Vlade Republike Austrije za finansiranje Projekta nabavke, instalacije, obuke i održavanja medicinske opreme i usluga u Kantonalnoj bolnici Goražde donio Dom naroda dok je predsjedavao Radoje Vidović, a Predstavnički dom je donio ovu odluku kada je Domom predsjedavao Tomo Vidović. Imajući u vidu da je Radoje Vidović izabran za načelnika Općine Kreševo predsjedavajući Tomislav Martinović je predložio da on potpiše ovu odluku kao trenutni predsjedavajući Doma naroda.

Jasenko Tufekčić je izjavio da je prema principu kontinuiteta sadašnji predsjedavajući u obavezi potpisati ovu odluku.

Budući da je Aner Žuljević predložio, uz konsultacije sa drugim klubovima, da se prekine rad ove sjednice zbog dodatnih konsultacija, predsjedavajući je prekinuo rad sjednice u 16 sati i 30 minuta.

NASTAVAK SJEDNICE OD 11.4.2014. GODINE

Sjednica je počela u 11:20.

Sjednici je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate i goste koji prate rad sjednice.

Izostanak sa sjednice opravdali su Ekrem Prošić i Ivan Brigić.

Na osnovu evidencije Stručne službe, predsjedavajući je konstatovao da sjednici prisustvuju 42 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda:

2. Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine,
3. Prijedlog Zakona o naplati i djelimičnom otpisu dugovanja sportskim kolektivima - hitni postupak,
4. Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine - hitni postupak,
5. Nacrt Zakona o javno-privatnom partnerstvu,
6. Nacrt Zakona o privrednim društvima.

2. Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na 24. vanrednoj sjednici, održanoj 1.4.2014. godine, usvojio Prijedlog Zakona sa amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga Zakona.

Amandman glasi:

„U članu 13. dodaje se novi stav 3. koji glasi:

"Kantoni mogu donijeti propise kojima jedinicama lokalne samouprave ustupaju udio u raspodjeli prihoda na osnovu poreza na dobit iz člana 10. stav 1. tačka a) ovog zakona."“

Dosadašnji stav 3. postaje stav 4.

Prijedlog Zakona obrazložio je federalni ministar finansija Ante Krajina.

Predsjedavajući je podsjetio delegate da su na Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine dva amandmana, koji se odnose na čl. 3. i 4. Prijedloga Zakona, zajednički podnijeli Mustafa Kurtović, Daliborka Milović i Vesna Nemeć-Klisura te da je Vlada Federacije dostavila izjašnjenje kojim ne prihvata ove amandmane.

U raspravi su učestvovali: Mustafa Kurtović, u ime Kluba delegata bošnjačkog naroda zatražio je da se Prijedlog Zakona povuče iz parlamentarne procedure, Senaid Begić, Mijo Matanović, predsjednik Kluba delegata hrvatskog naroda Luka Faletar, Ivo Divković, Vesna Nemeć-Klisura, Enes Salkanović, Daliborka Milović i Tomislav Martinović.

Budući da Mustafa Kurtović, Daliborka Milović i Vesna Nemeć-Klisura nisu odustali od predloženih amandmana predsjedavajući ih je stavio na glasanje.

Predsjedavajući je konstatovao da amandman I. nije dobio potrebnu većinu glasova jer je za glasalo 18 delegata, četiri delegata su bila protiv a 24 delegata su bila uzdržana.

Budući da je izražena sumnja u rezultate glasanja, sekretar Doma naroda Izmir Hadžić je, u skladu sa članom 113. Poslovnika o radu Doma naroda, obavio poimenično izjašnjavanje, te je predsjedavajući, na osnovu rezultata poimeničnog izjašnjavanja, konstatovao da amandman I. nije dobio potrebnu većinu jer je za glasalo 19 delegata, sedam delegata je bilo protiv a 23 delegata su bila uzdržana.

Potom se glasalo o amandmanu II.

Predsjedavajući je konstatovao da amandman II. nije dobio potrebnu većinu glasova jer je za glasalo 17 delegata, pet delegata je bilo protiv a 22 delegata su bila uzdržana.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 40 glasova za, uz četiri glasa protiv i uz dva uzdržana glasa, usvojio Prijedlog Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine.

Dom naroda je, sa 31 glasom za i uz tri uzdržana glasa, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine zadužuje Vladu Federacije i Federalno ministarstvo finansija da zajedno s vladama kantona u Federaciji hitno organiziraju raspravu i utvrde metodologiju i način rješavanja problematike budžetskog deficita u svim kantonima u Federaciji i o rezultatima tih dogovora informiraju Dom naroda Parlamenta Federacije Bosne i Hercegovine.

3. Prijedlog Zakona o naplati i djelimičnom otpisu dugovanja sportskim kolektivima - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na 23. vanrednoj sjednici, održanoj 1.4.2014. godine, usvojio Prijedlog Zakona sa amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga Zakona.

Amandman glasi:

„Član 5. stav 3. mijenja se i glasi:

„Rok za okončanje postupka zaključivanja sporazuma je 30 dana od dana podnošenja zahtjeva iz člana 4. stav 1. ovog zakona.““

Na Prijedlog Zakona amandmane su podnijeli Josip Kvasina i Tomislav Mandić. Josip Kvasina podnio je pet amandmana koji se odnose na čl. 1., 3., 7. i 9. Tomislav Mandić podnio je amandman na član 8.

Vlada Federacije dostavila je izjašnjenje kojim ne prihvata ove amandmane.

Prijedlog Zakona o naplati i djelimičnom otpisu dugovanja sportskim kolektivima obrazložio je federalni ministar kulture i sporta Samir Kaplan.

Izvještaj Odbora za obrazovanje, nauku, kulturu, sport i pitanja mladih obrazložio je Branislav Crnogorac, predsjednik Odbora.

U raspravi su učestvovali Amir Zukić i Damir Čardžić.

Budući da Josip Kvasina i Tomislav Mandić nisu odustali od svojih amandmana predsjedavajući ih je stavio na glasanje.

Amandmani Josipa Kvasine

Na osnovu rezultata glasanja, predsjedavajući je konstatovao da amandman I. nije dobio potrebnu većinu jer je za glasalo 15 delegata, dva delegate su bila protiv a 21 delegat je bio uzdržan.

Na osnovu rezultata glasanja, predsjedavajući je konstatovao da amandman II. nije dobio potrebnu većinu jer je za glasalo 16 delegata a 23 delegata su bila uzdržana.

Na osnovu rezultata glasanja, predsjedavajući je konstatovao da amandman III. nije dobio potrebnu većinu jer je za glasalo 13 delegata a 22 delegata su bila uzdržana.

Na osnovu rezultata glasanja, predsjedavajući je konstatovao da amandman IV. nije dobio potrebnu većinu jer je za glasalo 16 delegata a 25 delegata je bilo uzdržano.

Na osnovu rezultata glasanja, predsjedavajući je konstatovao da amandman V. nije dobio potrebnu većinu jer je za glasalo 14 delegata a 25 delegata je bilo uzdržano.

Zatim je predsjedavajući stavio na glasanje amandman Tomislava Mandića i, na osnovu rezultata glasanja, konstatovao da amandman nije dobio potrebnu većinu glasova jer je za glasalo 18 delegata, jedan delegat je bio protiv a 24 delegata su bila uzdržana.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 35 glasova za, uz tri glasa protiv i uz osam uzdržanih glasova, usvojio Prijedlog Zakona o naplati i djelimičnom otpisu dugovanja sportskim kolektivima.

4. Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na 23. vanrednoj sjednici, održanoj 1.4.2014. godine, usvojio Prijedlog Zakona sa četiri amandmana koje je Vlada Federacije prihvatila na sjednici Predstavničkog doma, pa su postali sastavni dio Prijedloga Zakona.

Amandmani glase:

Amandman I.

U naslovu člana 11. brisati riječ: „drugim“ i iza riječi: „propisima“ dodati riječi: „u RS i Brčko Distriktu“.

Amandman II.

U članu 11. u stavu (3) Zakona briše se rečenica: „Ako to ne učine u roku koji odredi nadležni prvostepeni organ, povrat tog iznosa ostvarit će se tužbom kod nadležnog suda.“

Amandman III.

U članu 4. u stavu (1) na kraju teksta iza riječi: „propisima“ dodaju se riječi: „i Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08) i podzakonskim propisima“.

Amandman IV.

U članu 6. dodaje se stav 3. koji glasi:

„Lica iz člana 3. ovog zakona zadržavaju prava ostvarena u skladu sa Zakonom o posredovanju u zapošljavanju i socijalnoj sigurnosti nezaposlenih lica i nakon povratka, odnosno prijave mjesta prebivališta u entitetu Republici Srpskoj.“

Na Prijedlog Zakona Ivo Tadić podnio je osam amandmana koji se odnose na čl. 2., 9., 11., 12., 14., 15. i 18.

Vlada Federacije dostavila je izjašnjenje kojim prihvata Amandman IV. Ivo Tadića koji je istovjetan Amandmanu I. koji je Vlada Federacije prihvatila na sjednici Predstavničkog doma, a ostali amandmani se ne prihvataju.

Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine obrazložio je federalni ministar raseljenih lica i izbjeglica Adil Osmanović.

U raspravi su učestvovali: predsjednik Kluba delegata bošnjačkog naroda Amir Zukić, predsjednica Kluba delegata srpskog naroda Mira Ljubijankić, Hajrudin Bećirović, Sretko Radišić i Nikola Simić.

Budući da Ivo Tadić nije odustao od svojih amandmana predsjedavajući ih je stavio na glasanje.

Na osnovu rezultata glasanja, predsjedavajući je konstatovao da amandman I. nije dobio potrebnu većinu jer je za glasalo 15 delegata, dva delegata su bila protiv a 24 delegata su bila uzdržana.

Na osnovu rezultata glasanja, predsjedavajući je konstatovao da amandman II. nije dobio potrebnu većinu jer je za glasalo 15 delegata, dva delegata su bila protiv a 24 delegata su bila uzdržana.

Na osnovu rezultata glasanja, predsjedavajući je konstatovao da amandman III. nije dobio potrebnu većinu jer je za glasalo 17 delegata, jedan delegat je bio protiv a 23 delegata su bila uzdržana.

Na osnovu rezultata glasanja, predsjedavajući je konstatovao da amandman V. nije dobio potrebnu većinu jer je za glasalo 20 delegata, jedan delegat je bio protiv a 19 delegata je bilo uzdržano.

Na osnovu rezultata glasanja, predsjedavajući je konstatovao da amandman VI. nije dobio potrebnu većinu jer je za glasalo 20 delegata a 22 delegata su bila uzdržana.

Na osnovu rezultata glasanja, predsjedavajući je konstatovao da amandman VII. nije dobio potrebnu većinu jer je za glasalo 20 delegata a 20 delegata je bilo uzdržano.

Na osnovu rezultata glasanja, predsjedavajući je konstatovao da amandman VIII. nije dobio potrebnu većinu jer je za glasalo 19 delegata a 21 delegat je bio uzdržan.

Potom su se delegati izjašnjavali o Prijedlogu Zakona.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 37 glasova za i uz devet uzdržanih glasova, usvojio Prijedlog Zakona o pravima povratnika u prijeratno mjesto prebivališta u entitetu Republici Srpskoj i Brčko Distriktu Bosne i Hercegovine.

5. Nacrt Zakona o javno-privatnom partnerstvu

Nacrt Zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na nastavku 26. sjednice od 12.3.2014. godine razmatrao Nacrt Zakona i zaključkom ga prihvatio.

Nacrt Zakona razmatrala su i nadležna radna tijela i dostavila izvještaje.

Nacrt Zakona o javno-privatnom partnerstvu obrazložio je Esad Osmanbegović, sekretar Federalnog ministarstva prometa i komunikacija.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 34 glasa za, uz jedan glas protiv i uz pet uzdržanih glasova, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o javno-privatnom partnerstvu i smatra da može poslužiti kao osnov za izradu prijedloga Zakona.

6. Nacrt Zakona o privrednim društvima

Nacrt Zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na nastavku 26. sjednice od 12.3.2014. godine razmatrao Nacrt Zakona i zaključkom ga prihvatio.

Nacrt Zakona razmatrala su i nadležna radna tijela i dostavila izvještaje.

Nacrt Zakona o privrednim društvima obrazložila je Jasmina Pašić, pomoćnica federalnog ministra energije, rudarstva i industrije.

U raspravi su učestvovali Sretko Radišić i Jasmina Pašić.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 32 glasa za, uz jedan glas protiv i uz sedam uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o privrednim društvima i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

Sjednica je završena u 14.46.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Tomislav Martinović